



## Kennedy-Mars Sittard

De grootste en oudste Kennedymars van Nederland

### de Kennedymarsj-marsj

tekst : G. Steinen

meziek : G. Kitzen / G. Steinen

't is 4 oer in de nach de mörge kump al in de lôch  
't wurd 'n hel gelag , hie wurd de oetdaging gezôch .....  
80 killemaeter marsj die hëbbe ver veur de boeg ....  
De rökzak vol met gooje mood hëb veer biejein gezôch  
Mer dit wurd weer 'ne sjoone toch  
Veer gaon geneete nao jedere nuuje boch

Veer zin Limburgse mechelkes en sjnaake  
veer maake die 80 killemaeter vol  
mèt 't waer vendaag hëbbe veer niks te maake  
zon of raege, veer betaale ôze tol.  
Dat deiste ech neit op zien jan boerefluitjes  
en al kômme veer auch kroepentaere trök,  
al hëb' ver de bloare oppe vuitjes,  
veer kënne zègge : " 't is ôs dit joar weer gelök"

Van Mariahoop nao Postert dao geit vas nog alles good  
De sjtömming zit d'rin veer taffele door vol gooje mood  
Van 't Reutje door nao Mofort och dat is toch good te doon  
In Wessem of in Thoear komme get knoebele in de sjoon  
Gelökkig weite veer woa dat aan ligk  
En waere die blaore doorgeprik

De kënnerköp in Belsj , 't geit van Kessenich nao Mezeik  
Meujzamer wurd Roostere toch waere veer neet weik  
Nao Deetere kump Söstere , 't geit op Nuusjtadt aan  
Dao blaoze ze ôs nao 't lètste sjtökske makkedam .  
Ver trampele good door en opgeluch  
Kump d'n taore van de grote kirk in zich .